

3. gr.

Reglugerð þessi sem sett er samkvæmt 3. grein laga nr. 81/1988 um hollustuhætti og heilbrigðiseftirlit öðlast þegar gildi.

Umhverfissráðuneytið, 1. nóvember 1991.

Eiður Guðnason.

Páll Lindal.

SKIPULAGSSKRÁ

fyrir líknarfélagið Þrepið.

1. gr.

Félagið heitir Þrepið. Heimili þess og varnarþing er í Reykjavík.

2. gr.

Tilgangur félagsins er að styðja fólk sem á við félagslegan vanda að etja, s.s. vegna ofneyslu áfengis eða annarra vímugjafa, til að öðlast sjálfstæði og ná fótfestu í samfélaginu.

3. gr.

Að tilgangi félagsins skal unnið með því að reka verndað áfangaheimili fyrir skjólstæðinga þess, eða eftir öðrum leiðum sem miða að því að skapa þeim réttmæt tækifæri í samfélaginu.

4. gr.

Stofnframlag félagsins var þann 6. júní 1985 kr. 10 000,00 og var með því stofnaður sjóður sem varðveita skal í banka eða á annan jafn tryggan hátt að mati stjórnar félagsins. Stofnfé félagsins má aldrei skerða. Tekjur sjóðsins eru vaxtatekjur, rekstrartekjur og frjáls framlög einstaklinga, félaga, fyrirtækja og stofnana eða opinberra aðila. Tekjum sjóðsins skal einungis ráðstafað til starfsemi skv. 3. gr. skipulagsskrár þessarar.

5. gr.

Stofnendur Prepsins voru Jónína Björk Ólafsdóttir, Sigurhans V. Hlynsson, Margrét Blöndal, Ólafur Friðriksson og Sigurður Ingólfsson.

Stjórn Prepsins skipa nú:

Margrét Blöndal,

Sigurður Ingólfsson,

Sigurhans Hlynsson,

Brynjólfur Sigurðsson, Marartúni 6, Bessastaðahreppi,

Ingvar Guðmundsson, Strandgötu 28, Hafnarfirði.

Stjórnin skiptir með sér verkum.

6. gr.

Óski stjórnarmaður að hætta þátttöku í stjórn skal hann tilnefna mann í sinn stað. Samþykki meirihluta stjórnar þarf fyrir nýjum stjórnarmanni. Brjótí stjórnarmaður gegn tilgangi félagsins eða sýni af sér háttsemi sem rýrt geti traust félagsins út á við getur meirihluti stjórnar samþykkt að víkja honum úr stjórninni.

7. gr.

Allir stjórnarmenn geta boðað til stjórnarfundar, enda tilgreini þeir fundarefni. Stjórnarfundur skal boðað með minnst 3ja daga fyrirvara og er fundurinn lögmætur ef meirihluti stjórnar mætir. Halda skal fundargerðabók um það sem gerist á fundum og skulu allir stjórnarmenn sem á fundi eru undirrita fundargerðina. Þeim stjórnarmönnum sem ekki eru á fundi skal senda afrit fundargerða.

Allar ákvarðanir stjórnar verða að samþykkingu af meirihluta hennar. Þó þarf samþykki allra stjórnarmanna til að leggja niður félagið eða selja fasteignir þess. Stjórnin veitir prókúruumboð.

8. gr.

Reikningsár félagsins er almanaksárið. Ársreikningar félagsins skulu endurskoðaðir af löggiltum endurskoðanda og síðan lagðir fyrir stjórnina til samþykktar. Ársreikningar félagsins skulu gerðir opinberir þegar þeir hafa hlotið samþykki stjórnar.

9. gr.

Stjórnin ræður gjaldkera félagsins úr sínum hópi. Gjaldkeri er vörsluadili sjóða félagsins og sinnir skrifstofuhaldi sem rekstri félagsins fylgir. Gjaldkeri hefur prókúru fyrir félagið og þiggur laun fyrir störf sín skv. ákvörðun stjórnar.

Stjórn félagsins er heimilt að ráða aðra starfsmenn til að sinna einstökum þáttum starfseminnar eftir því sem hún telur þörf.

10. gr.

Samþykki stjórnin að slíta félaginu skulu eignir þess renna til styrktar sambærilegri starfsemi skv. ákvörðun stjórnarinnar. Stjórn félagsins getur breytt skipulagsskrá þessari, enda sé fyrirhugaðra breytinga getið í fundarboði og þær samþykktar af meirihluta stjórnar á tveimur fundum í röð.

11. gr.

Skipulagsskrá þessi kemur í stað skipulagsskrár fyrir líknarfélagið Þrepið nr. 270 frá 6. júní 1985 sem jafnframt fellur úr gildi.

Leita skal staðfestingar dómsmálaráðuneytisins á skipulagsskrá þessari.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytið, 30. október 1991.

F. h. r.
Þorsteinn Geirsson.

Fanney Óskarsdóttir.